



Diario



pa Aruba



Instala Airecon-
dicionado na bo
cas AWOR!



Tel. 2170

Nr. 3685

ANJA 21

DIASABRA 12 DI MAART 1960

Canciller Adenauer ta bishita e lidernan Mericano na New York

Puntonan importante pa e conferencia supremo

Bonn, 12 maart — E canceller di Alemania occidental, dr Konrad, lo bai New York y Washington majan, pa bishita presidente Eisenhower, vice-presidente Nixon y e ministro di asuntunan exterior, Herter.

E canceller di 84 anja ta duna su discusionnan cu e lidernan mericano, net prome cu e conferencia supremo tuma luga, hopi importancia.

Circulonnan rond e canceller ta bisha cu lo e menciona 3 punto importante, esta cu:

2) e unico manera na cual Krutshof por muestra cu e ta desea en berdad di termina e guerra frio, ta pa bandona su plannan pa Berlin na e conferencia supremo y pa mantene e situacion actual na Berlin;

3) e asunto mas importante cu mester worde discuti na e conferencia supremo no ta Berlin, pero desarme. Adenauer ta di opinion cu e conferencia supremo ta necesario pa mira si Krutshof ta di bon boluntad, pero funcionarionan na Bonn ta di opinion cu canceller Adenauer ta pesimista en loke respecta e punto aki.

CENTENARES DI VICTIMA NA SUR DI AGADIR

RABAT, 11 maart. — Nan tin nidiu, cu centenares di hende na e 3 pueblonan marroques Agadir, Tamjhort y Aourga, parti sur di Agadir, a bira victimia dje temblor reciente na Marocco. Polizian di Marocco a yega na e conclusion aki despues di un investigacion cu nan a haci durante e dianan aki.



Senior Damian kende ta traha den e lugar di reparacion di senior Reeberg den e edificio di Mario S. Arends, ajera tardi a kohe un juwana cu un rabu masha particular na Wayacka. Ora cu e la hiba e juwana aki pa e dierenarts Van der Kuip mira, esaki ta bisha cu ta cos di naturalesa y ta pasa mas bes cu un parti asina ta crece na unda e rabu a jega di kibra.

Gobernador Brown no por haci nada mas pa salba Chessman

Sacramento, 12 maart — Edmund Brown, gobernador di California, a bisa ajera, cu no por haci nada mas, pa salba Caryl Chessman for dje camara di gas. Caryl Chessman lo mester worde ehecuta aja dia 2 di mei.


Brown tabata duna comentario riba e hecho, cu e comision huridico di senaat di California a rechaza su proyecto di ley, pa suspende castigo di pena di morto na California.

Gobernador Brown, kende ta contra castigo di pena di morto, a bisa cu ta duela, cu su proposicion a worde rechaza.

Observadornan ta spera cu legislativo di California lo suspende e asamblea especial cu Brown a convoca, pa discuti castigo di pena di morto. Brown a bisa cu si esey socede, e ehecucionnan lo por tuma luga.

Gobernador Brown a bisa cu no ta berdad cu Chessman su destino ta den su man. E por pordona, pero den caso di Chessman lo e por haci tal solamente cu aprobacion di Corte Supremo di California. Corte a rechaza un recomendacion pa pordona Chessman 2 biaha caba. Ademas e motibonan pa pospone e ehecucion, na ta presente mas. Pa e motibo ey Brown

no por haci nada mas pa Caryl Chessman.



Pa un bril cu ta llama atencion di tur:

SPRITZER * FUHRMANN OPTICA

ORANJESTAD TEL. 1320
SAN NICOLAS TEL. 5015

APARATONAN MODERNO
PA SLIJP TUR GLAS

LOOK UNDER THE CROWN



Pepsi-Cola
Trade Mark Registered

Bottled by: VICTORIA BOTTLING CO.
Under Appointment by PEPSI COLA COMPANY, N.Y.

BASEBALL - BASEBALL - BASEBALL

„ORANJESTAD LITTLE LEAGUE BASEBALL”

DIADOMINGO 13 DI MAART 10.00 A.M.
den WILHELMINA STADION

LA MODA Y LA MODERNA DISTRIBUIDOR DI ZAPATOS „HILTON”
E ZAPATO DI TUR DEPORTISTA TA ANUNCIA:

PROMER ENCUESTRO

FRIESCHE VLAG vs. WRIGLEY P.K. 2

SEGUNDO ENCUESTRO

ARUBA LIONS vs. HILTON SHOES

Bin weita muchanan di bo barrio den accion pa salamente Fls. 0.50 pa hende grandi y 0.25 pa mucha.

Tambe bo par gana un bunita premia cu ba tickete di entrada.



ORANJESTAD —

Tira su mes den barica

Diahuebs atardi pa mas o menos tres or y mei urgentemente nan a pidi asistencia di polis na Tanki Leendert, na unda T.F. segun nan a bisa ta tira na suela cu un tiro den barica. E polisnan cu rapidamente a bai na e lugar a constata cu no tabata un chiste. E hombre T.F. a hanta tres bala di skopet tira na suela na California y a bai cas cu nan pa mira kiko nan ta bisi ora cu bo dai martin riba nan. Tabata un experimento masha interesante: e prome bala a explota cu un zondo enorme - di dos a pasa banda di su schouder bai ariba pero apenas a heridele y di tres a drenta su barica. Nan a hibe pa hospital. Recherche ta haciendo un investigacion profundo.

Ladron di auto

Diahuebs atardi recherche di San Nicolas ta informa cu e Buick A-4040 di S. cu tabata parkeer banda di e pomp di gasolin di Odube, a desaparece. Dos ora y mei despues nan a bin hanta e auto riba e terreno pa Nord di e boulevard nobo, cu un flat taira.

Accidente na trabou

Den anochi di diahuebs pa diahuebs polis di Lago a raporta cu e hombre D.T. a cai den un bodega di un die lanchanan di Amsterdamse Ballast Mij. cu ta trahando den haf di San Nicolas. Despues di cu dokter Dussenbroek a dunele EHBO nan a transportele pa hospital.

FATUM — Tel.: 1845
Pa tur bo aseguranon

Auto a bolter

Diahuebs poco despues di un or di merdia banda di Rooi Frances e auto A-4337 cu sra. viuda A.W.G. tabata stuur a bolter, ora cu huntu a plama poco corant cu e tabatin den e auto.

y cu e dama a laga esaki kita su atencion for di stuurwiel. E wiel drechi dje auto a dal riba un piedra grandi y e auto a kentel. Danjo ta worde halua pa solamente f. 200.—

Choke cu danjo formal

Diahuebs anochi pa mas o menos 8'or y mei D.A.K. cu su auto A-5292 a dal dos auto cu tabata parkeer den Palisaweg. Tabata A-7034 di O.B. y A-4572 di A.W. Tur dos e autonnan cu e la dal ta total loss. K. su auto mes a hanta un danjo di mil florin. Parse cu e chofer tabatin algun bitter di mas tra'i gurganta.

Hanja y perde

Florentin Werleman a entrega na warda un jabi cu e marca ASA y e ta numeru. Juw. Boekhoudt di Beekhardstraat 64 a perde su paspoort y un pasashi di avion pa Santo Domingo.

MAS Y MAS HENDE TA LESA CORANT...

Ta existi como 30.00 corant na mundo, di cual como 8.000 ta sali tur dia y 22.000 cu menos frecuencia. Mas o menos, dos tercera parti di e corantnan ta sali tur mainta y un tercera parti ta sali den oranan di atardi. E circulacion total di tur e corantnan aki ta worde calcula di ta mas di 250 million ejemplar, o sea mas o menos 92 ejemplar pa cada mil habitante. Di e corantnan cu no ta sali tur dia, ta worde calcula cu e circulacion ta mas o menos 200 million ejemplar, o sea 72 ejemplar pa cada mil habitante. E cifranan aki ta pertenece na un estudio cu Unesco recientemente a publica cu e titulo na ingles: „Statistics of Newspapers and other periodicals”.

FUTBOL FUTBOL FUTBOL

Diadomingo 13 di maart 1960 pa 4.00 p.m. den

SPORT CENTRUM NOORD

Un candeloso encuentro entre e dos mejor equiponan di Noord y a la vez rivalnan conoci.

BUBALI S.C. vs. JONG ARUBA
(campeon A klasse 1959) (Hoofdklasse)

Entrada general fl. 0.50 - Dos mucha cu un kaartji.

E wega aki ta di promer di un serie di tres wega entre e dos equiponan aki pa decidi cual ta mas mejor.

Scuchando Raad na Aruba

Hinkamentu cu cuchu

ORANJESTAD — P. J. C. tabata un dje promenan cu mester a presenta dilanti huez ajera mainta durante raad. E mester a duna cuenta pa motibu cu dia 30 di januari el a hinka J.W. cu cuchu. E otro a hanta un schram cu por suerte no tabata muchu grave. E caso aki a pasa den Prinses Restaurant na unda C. tabata. Segun su declaracion, tabata W. y un amigu mas cu a acerdele prome cu intencion pa paga un debe bieu. En cambio W. a declara na polisnan cu tabata C. kende a ataca prome. Como que sea, pero den bringamentu ora cu e dos terecionan tabata lora na suela, C. a saca un cuchu y a corta e otro. „Asina cu tin cuenta di cuchu, e caso ta bira serio inmediatamente”, asina mr. P. Bondam e huez, ta bisa, kende tumando na cuenta e strafkaard di C. a dicidi di spera diezcuater dia mas, pa mira kiko e rapport di reclasering ta bisa. Mientras tanto C. ta pasa su dianan na Dakota.

Maltrata su mes esposa.

Un San Martin (di parti Frances) F. F. W. di 35 anja, y na prome bista un tipo poco antipatico, segun acusacionnan a maltrata su mes senjora. Apenas nan tin dos anja y seis luna casa, y e tipo aki a forma un eusumier stranjio di bati su senjora cada riu. Segun declaracionnan di polis na San Nicolas continuamente nan mester a sali pa e cas dje pareha pa motibu di bringamentu. Durante '58 caba e senjora di W. a manda un keho aden pa maltrato. Pero despues e senjora a suplica fiscal pa pordona su esposo pa e biaha ei, y nan a duna e hombre un scual so y a larg'e bai. Pero despues di e sota formal di 7 di februari u.p. e senjora aki a bolbe keha su hombre, y e biaha aki si no a pidi fiscal pa tene compasion cu e hombre. Awor W. mester splika huez exactamente kiko e kier meen ora el a grita e polis cu a bini pa stop e pelea e dia: „Ta ami lo sa ki ora mi tin di bati mi senjora y mi no tin mester di pidi permiso di ningun hende pa esei!”

Segun ta sali na claridad durante raad diabierna mainta ta resulta cu W. e dia 7 di februari en kestion a bati su senjora cu un faha di cuero; pero segun un testigo no tabata un faha, pero un

klop. Tambe tabatin endicacion cu el a sehopen e muher mientras cu e tabatin sapato na pia.

Fiscal, mr. F. C. Flick ajera mainta a demanda contra W. kende ainda no ta hanta nada malu pa un esposo maltrata su mes esposa, un castigu di prison di dos anja cu descuento. Aki na dos siman huez lo pronuncia e sentencia.

Pa basta tempo na Dakota?

J.d.C. na principio dje anja aki, na momento cu probablemente e tabata hopi burachi, a pega cas di su mama na Seroc Blancoc nr. 38 na candel. Ora cu e mes entre e mirones ta para mira con e brandweer ta paga e candel. Un hende ta bisa polis cu ean mes cu a pega e candel ta para wak y e polis a bai riba dje pa hasi algun

pregunta, y pa colmo el a dicidi di ataca e polis cu cuchu. Ajera mainta d.C. no tabata corda nada mas di loke a pasa.

Fiscal ta pidi pa dunele un castigo di dos anja y seis luna di prison cu descuento. Despues di diezcuater dia huez lo duna sentencia den e caso aki tambe.

BAILE DI PASCU GRANDI DI Y'S MEN'S CLUB

ORANJESTAD — Directiva di Y's Men's Club, un subdivision di YMCA ta sigui trahando plannan. Despues cu luna pasa nan a organisa un bailamentu cu luna cla na Miramar na Parkietebos cu tabata un exito grandi, nan ta preparando 'trobe pa un evento igual. Esaki lo bira e baile di pascu grandi. Nan tin bista riba Basi Ruti, esta na unda nan lo tene e baile, y e fecha ta 16 di april. „Sonora del Caribe” ta e conjunto cu nan tin contrata pa toca na e ocasion aki.

Noticia di Aruba Baseball Bond

ORANJESTAD — Durante e ultimo reunion di directiva di Aruba Baseball Bond e puestonan a worde reparti como lo siguiente: Presidente R. E. Muller, vice-presidente Mingo B. Salazar, prome secretario Johnny C. Odube, 2do secretario J. G. Croes, tesorero A. B. (Tico) Kuiper jr. y comisionarionan D. Ridderstap (encargu cu materialnan), C. J. Maduro (lider di competitie), J. de la Cruz (ass. lider di comp.) y A. Mansur (encargu cu propaganda). E comisionnan a keda forma pa siguiente personanan:

Kascomissie: Sres. F. Ponson, M. Salazar, W. de Palm.
Protescomissie: Srs. O. Antoinette, C. A. Tromp, J. A. Rodriguez, A. Leon y H. Kuiper.

Strafcomissie: sres. E. Croes, J. A. Bickel, M. Felipe, J. Tromp, W. Dowers.

E competitie di baseball lo start dia 16 di maart proximo venidero pa 7'or y mei anochi den stadion cu un leffle di tur e equiponan di A y AA-klasse huntu cu nan madrina y nan bandera di nan club. Naturalmente e reina di deporte di Aruba Nilda Croes cu su presencia lo contribui considerablemente na e inauguracion esplendido di e competitie nobo aki di baseball.

Despues dje defile e equiponan di Nesbitts y Marlboro di AA-klasse lo enfrenta otro den un partido inaugurando e competitie.

E clubnan di AA-klasse cu ta tuma parti den e competitie ta „Marlboro”, „Santa Cruz Stars” y „Heineken”. Esakinan tambe tin cada uno nuebe encuentro ta spera nan!



peaceful
slumber

Right from the first week, when lack of breast milk led to the introduction of Lactogen, our nights have been trouble-free — it's such a help. Baby is satisfied too; making great strides.

Lactogen is convenient to use, uniform and safe, an all cow's milk formula with vitamins A and D and iron. And so easy to prepare. Ask your doctor.



Prepared by Nestlé's especially for infant feeding

thanks to
LACTOGEN

DAMAS!

Bon noticia pa boso.

Nos a bolbe ricibi un lote di e famoso
ropa interior americano di
catoena marca

VENUS

ARUBA TRADING COMPANY

Oranjestad San Nicolas



DEPARTEMENT VAN ONDERWIJS

Examens Moderne Bedrijfsadministratie, Boekhouden, Handelcorrespondentie en Hoofdcorrespondent, uitgaande van de Nederlandse Associatie voor Praktijkexamens, te houden in de maand juni 1960 op Curaçao en Aruba.

Kandidaten dienen zich vóór 11 april a.s. schriftelijk op te geven bij het Departement van Onderwijs, Curacao, onder overlegging van een uittreksel uit het geboorten- of bevolkingsregister, vermelding van adres en gelijktijdige overmaking van het examengeld (examens Boekhouden en Handelscorrespondentie f 10.—, examen Moderne Bedrijfsadministratie f 12.50, examen Hoofdcorrespondent f 15.—). N.B. Bij aangifte voor het examen Moderne Bedrijfsadministratie dient het praktijkdiploma Boekhouden te worden overgelegd.

ARUBA WATER SPORTS N.V.

GEVESTIGD OP ARUBA

Maatschappelijk kapitaal N.A.F. 200.000,— waarvan bij oprichting geplaatst N.A.F. 160.000,— verdeeld in 400 aandelen elk groot N.A.F. 500,—.

UITGIFTE

van

80 aandelen op naam elk groot N.A.F. 500,— delende in de winst over 1960.

aandelen verkrijgbaar tot 10 april 1960, tegen storting in contanten uitsluitend bij de Aruba Commercial Bank op Aruba.

9 maart 1960.

Directie ARUBA WATER SPORTS N.V.



President di Peru y su esposa a hasi un bishita na Hulanda. E portret aki a worde saca despues di nan jagada na Den Haag. E pareha real cu e huespednan di Peru.

No a bini ningun cambio den e welga di construcccion na Hulanda

Den Haag, 12 maart — E prome siman dje welga mas grandi na Hulanda e anja aki, ta caba, sin cu ta existi ningun perspectiva di un solucion. Al contrario, na parti sur dje pais mas trahador a cuminsa welga tambe.

5 dia a pasa caba y ta parce cu e welga lo sigui indefinidamente, pasobra gobierno, apoya pa un tweede kamer cu a aplaudie, a bira contra e donjonan di trabao. Kendenan a declara cu nan lo sigui e lucha. Nan a duna nan departamentonan orden pa no duna ningun trahador, cu a hanja su retiro como resultado dje welga.

Majan lo tin un kort geding toecante horec e politiek di sueldonan na Hulanda.

E ministerio di asuntunan economic, drs. De Pous, a bira den tweede kamer, cu gobierno a haci un concessie grandi dje su intervencien y proposicionan di compromiso. El a bisa cu gobierno ta dispuesto na tene negociacion te arida cu e contratanan, pero lo e actua segun e lineaan di conducta dje politiek actual di salarionan.

Majan diasabra, huez lo mester dicidi durante un kort geding, si e exigencia dje donjonan di trabao, esta suspensie dje media cu salarionan mas haltu no mester nifica cu prijsnan tambe ta subi ta justifica.

E ministerio di asuntunan economic, drs. De Pous, a bira den tweede kamer, cu gobierno a haci un concessie grandi dje su intervencien y proposicionan di compromiso. El a bisa cu gobierno ta dispuesto na tene negociacion te arida cu e contratanan, pero lo e actua segun e lineaan di conducta dje politiek actual di salarionan.

Brigadanan di salvacion na Logan

LOGAN, 11 maart. — Brigadanan di salvacion a sigui cu nan esfuersonan ajera nechi, pa salba bida dje 18 minerenan cu ta encera den un mina di carbon na Logan, West Virginia. Nan a yega varios biaha te cerca e lugar na unda e 18 minerenan ta, pero nan mester a retira cada bez pasobra tin na candela aya. Nan no por keda den e mina pa mas cu 30 minut sigui, pasobra ta haci mucho calor.

E director dje servicio di minan di West Virginia, Wilson, a bisa cu a hanja e hombernan bibu. E temperatura ta baha hopi.

Nota di Alemania occidental pa Guinea

BONN, 11 maart. — Gobierno di Alemania Occidental a manda un nota awe pa gobierno di Guinea, bisando, cu e tin intencion di kibra su relacion diplomatico cu Conakry, si gobierno di Guinea afirma cu el a establece relacionnan diplomatico cu Alemania Oriental.



KONINGIN JULIANA IN HET GOUD

50ste verjaardag gedenkpenning 25 mm Ø gewicht 7,776 gram, goudgehalte 900/1000 (muntgoud). Verkrijgbaar bij banken, juweliers en munthandel. Tevens Uw uitmuntend geschenk voor Uw buitenlandse zakenrelaties en familie. Distributeurs in Holland: Fa. Drijfhout, Prinsengracht 5, Den Haag. Fa. Schöne, Smeetsstraat 24, Den Haag.

Pionier 5 tabatin exito

WASHINGTON, 11 maart. — E lanzamentu dje raket mericano Pioneer 5, cu mester circula Solo, cubriendo un ruta cu lo keda entre terra y e planeta Venus, tabatin exito completo a worde informa oficialmente na Washington.

Puisten Verdwenen Oorzaak in 3 Dagen Gedood

De allereerste toepassing van Nixoderm maakt een begin met het verwijderen van puisten, als door een wonder. Gebruik Nixoderm nu en ge zult Uw huid zacht, glad en gaaf zien worden. Nixoderm is een nieuwe ontdekking, welke klieken en parasieten in de huid doodt, die puisten, steenpuisten, rode vlekken, uitslag, ringworm, ontstekingen veroorzaken. Het komt Uw huidandoeningen niet kwijt raken. Indien U de klieken, die zich in de kleine porien van Uw huid verborgen, niet wegneemt, komt dus nog meer Nixoderm bij Uw apotheker onder de volledige garantie, dat Nixoderm puisten zal verwijderen en Uw huid zacht en glad zal maken of anderszins Uw geld terug tegen inlevering van het ledige pakje.

KLOMPEN KLUB

Exciting New Danceteam

THE MORALES
starting TONIGHT

Also starring the Greek
Goddess of Song

LENI BARTER!



Minimum Charge
Food or Beverage
\$ 1.50 p.p.

Excellent Cuisine
Dinner Hours 7 p.m.
to midnight.
Showtime 10 p.m.

Dancing Music 7 p.m.
JORGE PASOLA
and his orchestra

Expresion di president Prado di Peru

CARACAS, 11 maart. — E ministerio venezolano di finanzas, Jose Antonio Mayobre, a bisa awe cu e rumormen tocante devaluacion dje boliviar, ta completamente incorrecto. Mayobre a bisa cu Venezuela tin reserva na paisnan estranhero na un balor di 550 millon dollar.

Mas sobreviviente na Agadir

RABAT, 11 maart. — Awe mainta nan a hanja 2 hende bibu mas bao dje piedranan na Agadir. Nan a pasa 11 dia bao dje piedranan. Ta trata di un moson y un judio nan tur dos tin nacionalidad di Marocco.

Debate marathon den senado Mericano

WASHINGTON, 11 maart. — E debate Marathon den senado mericano cu e senadonan di parti sur di Merca a cuminsa dialuna siman pasa, y cu a worde cuminsa atrobe e siman aki, despues di un reces pa e weekend, ta sigui. Un mocion pa limita e debate a worde rechaza ajera cu 53 voto contra 42.

E 18 senadonan democratico dje estadonan sur ta trata di keda papia te ora cu nan efectua rechazo di un proyecta di ley pa derecho di voto dje mericanonan neger.

Mientras cu e senadonan republicano y democratico, cu ta metos extremos, no por yega na un compromiso respecto e proyecta di ley, nan no nor haci nada casi, pa ston e debate. Ta necesita un mayoria di 2/3 parti dje votonan, pa limita of termina e debate.

Entre tanto e micrombronan di camara di representantenan a yega na un acuerdo tocante d'isenion di un proyecta mas moderado, di ley respecto d'erechonan civil. E debate den camara di representantenan lo dura 15 hora.

Explosion di bom atomica na Sahara

DEN HAAG, 11 maart. — Probablemente como resultado, dje explosion di e bom atomico frances den Sahara, e radioactividad den laria a aumenta na algun parti di mundo, entre otro na Hapon y na Corsou. Si e radioactividad aki mester yega Europa occidental, lo e no mester duna motihu pa ningun hende bira preocupado, asina ministerio di asuntunan social y salubridad publica a informa.


E asunto di radioactividad over di Corsou a worde observa durante e ultimo siman di februari. Toch e tabata hopi menos cu e normanan cu ta vigor, asina e ministerio a bisa. Durante e prome siman dje luna aki e radioactividad a baha te na e nivel normal atrobe.

Atrobe nan a hanja dos sobreviviente na Agadir

AGADIR, 11 maart. — Awe mainta nan a hanja 2 sobreviviente mas bao dje piedranan na Agadir. Un di nan ta tata dje 2 muchanan muhanan chikitu, cu a worde hanja ajera. Nan mama a muri mei hora despues cu e temblor a pasa. Un otro yiu muhe di 6 anja a muri banda di su tata, 36 hora despues dje temblor.

E segundo persona hanja awe ta un

Dennis, de schrik van de buurt!



„Verdraaid, is het ding nog niet vol?“

„Caramba, e cos ai n' jena ainda?“

marocano di 28 anja, Mohammed Ben Abdallah.

Nan a hanja 15 hende bao dje piedranan durante e ultimo 3 dianan aki.

Despues dje destruccion di Agadir a hanja 19 sobreviviente

RABAT, 11 maart. — Ajera, 12 dia despues cu e temblor a destrui Agadir, nan a hanja 19 sobreviviente mas for di bao dje piedranan di Agadir. Un di nan tabata un homber di 70 anja di edad. Masha tragico tabata destino di dos rumen muhe chikitu, cu a worde hanja den e distrito Talbirdi. E rumen mas chikitu a muri poco tempu despues cu nan a hanja den hrazanan di e rumen mas grandi. E rumen mas grandi mes a bira loco. El a hanja beridanen leve y e tabata completamente exhausto. Ta probable cu mayornan dje dos muchanan a muri desde 12 dia pasa.

Maquetenan pa exposicion na JPF a ser barca foi Surnam

PARAMARIBO, 11 maart. — E maquetenan etc. pa e exposicion surinam cu lo tin na JPF, a worde barca. E explosion lo habri aki dia 14 dje luna aki.

Prinses Beatrix i Irene na Stockholm

SCHIPHOL, 11 maart. — Awe mainta e prinsenan Beatrix y Irene a bai Stockholm, pa atende e fiesta di corte aja diasabra. Nan a worde acompaña pa nan secretaresse, srta. M.C.C. Wijken. Normalmente e servicio aki di KLM sa tuma lugar cu un avion DC-6B, pero KLM a usa un avion Lockheed electra pa e vuelo, pa larga e prinsenan cerra conoci cu e material mas nobo. Presidente director I.A. Aler di KLM y e embahador di Suecia na Hulanda, sr. Sven Dahlman, a tuma despedida tambe di e prinsenan.

Dialuna e prinsenan lo bai Hu-

landa bek cu e avion Dakota di go-bierno hulaades.

E prinsenan Beatrix y Irene a yega Stockholm awe tardi. Nan lo ta huesped na e fiesta di corte aja. Nan a worde ricibi na aeropuerto pa entre otro prins Bertil y prinses Margarita di Suecia.

Sukarno a hanja bishita di 70 piloot Indones

DIJAKARTA, 11 maart. — Un delegacion di 70 piloto di forza aereo indones a bishita presidente Sukarno di Indonesia awe, pa expresa nan indignacion tocante e bombardeo traidor dje palacio presidencial di un piloto di forza aereo indones, antajera.

E pilotonan a priminti cu nan lo aumenta nan vigilancia y nan a renova nan huramentu di lealtad na e presidente, kende ta comandante supremo di ehercito.

Un portavoz di Palacio presidencial a informa, cu Sukarno a rechaza e peticion di retiro dje comandante di forza aereo, locala a worde presente despues cu e palacio a worde bombardea.

Detencion di vapor Mericano „Chris“

CAIRO, 11 maart. — E vapor mericano di carga „Chris“, a worde detene pa e autoridadhan egipcio na Port Said, pasobra e vapor ta bira lista pretu. El a worde buta riba lista pretu pasobra el a transporta mercancía for di Haifa (Israel) na september 1959. E „Chris“ a yega Port Said awe mainta; e ta bai India y el a bini di Texas. Observadonan ta spera cu lo e sigui su hiahe despues dje investigacion.



Prinses Margaret di Inglatera y Anthony Armstrong Jones lo casa diabierna mainta dia 6 di Mei p.v. Porfin asina e periodistanan tal vez lo baha nan un poco for di correatras di actividadnan dje prinses aki. Otro personanan cu a sali den noticia en relacion cu e prinses ta, di robex pa drechi: Lord Ogilvy, Lord Dalkeith, Eral Westmoreland y Capt. Peter Townsend.

Hot lekkerste bier
toes handigste fles
TUR CAMINDA DI MUNDO!
PRESENTE

Heineken

Pakiko e cerbez
di mas sabroso!

Pasobra nan a fabrikele cu
tur nan gusto y e la hanja
tempo pa esarcha bon!
Pasobra e ta delecta bo
paladar y ta fresco pa bo
garganta! Pasobra e ta
cla y espumoso y puro
manera oro! Ta pesel!

Bebe cerbez Heineken anto
mas a meando.

No ta pornada cu e ta
presente na tur
continentel



Pakiko e botter di mas practico!

Pasobra semper e ta nobo, esta limpi y higienico! Pasobra su forma
ta „esbelta“ y ta bai bon den bo nevera! Pasobra e botter ta fini, pero
fierte, locala ta huci en e ta fria mucho mas liger! Ta pesel! Esei ta
e motibo extra pakiko bo mester escoge Heineken!

BEBE HEINEKEN DI HULANDA - DELEITABLE
y CHISPEANTE.

EL CISCO KID

1. "E la keda para asina hopi tempo, cu e la puti..."
2. "Podise mi por usa esaki como arma awor cu nan bolbe..." 3. Poco rato despues... "Bo ta kere bo por haciele firma e papel?" "Of e ta firma, oi..."



JUAN EL INTREPIDO

1. "E la hoci. Pasobra bo a hincia bo di aden. Chico a hanja chens di hoci. Bo merece pami..." "Papia menos y judami hanjele awor. Esei ta si e no a nista su culpa..." 2. "Bun mira... aki banda e mester ta aki banda mes..." "Tin un fero grandi e ybando... e mester a landa bai pa e otro banda..." 3. Mientras cu nan ta busca banda di lamar, mi ta bolbe bai den e garashi..."




DICK TRACY

1. "B.O., tin un luz corra ta blo lumbra aki den..." "Con?" 2. "Alla, mira..." 3. "Polis?" 4. "Kiko bo ta mira, Hank?" "Tur dos porta ta habri pero..."



RIP KIRBY

1. "Danki pa bo conseho, Linda, lo mi cordele..." "Bon suerte, Rip, y no lubida cu Mo Gaspar ta traicionero..." 2. "Con bo ta goza e marinerio nobo di capitán Doom?" "Dios laga e tuma nos, Desmond. Pasobra podise e kier algo mihor..." 3. "Pero, parece cu aki banda nungun hende ta preocupa nan pa e etica. Un vagabundo a contrata nos pa captura otro vagabundo..."



EL PRECIO DEL TRIUNFO

1. Pat Purdy ta haci informacion na Lalo... "Promer, e dama Creel ta masha atractiva ora e ta bon tira pa bay cuna alor, en vez di limpi... di dos..." 2. "...e la bay edificio Aleron y a subi di diez piso... eyna nta queda e petrolera Northam!" "Aha! Asina ta! Algo mas..." 3. "També e tin un novio... un tipo guapo, pero manera poco bruto y insolente! Pero esey ta e problema di dje..."



EL DIARIO DE UNA VIDA

1. "Ta e caso di semper... e hoben cu mirando cu e ta preferi, quier representa algo pa su tata... y ora e tata ta tumele na serio, e ta bira sentimental!" 2. "E tin mester di curashi pa confrontere cu e verdad. Ricardo, manera bo sabi... y mas curashi ainda..." 3. "...pa jora!" "Mi tin costumbre di jora poco poco ora di boda... y ora di tuma despedida..."



PEPITA

1. Esta limpi cu nan a queda! Lo mi pone nan seca dilanti porta!" 2. Un limosnero a pasa net e ora ey y cay den tentacion pa coge e zapato. 3. "Bo por a pasa mi e zapatonon cu ta dilanti porta. Pepita?" 4. "Mi ta quere cu ta ora en bo mester cumpri un otro par..."



Plymouth a kibra invicto di Y.M.C.A. (Continuacion)

Don Bosco ta mantene su invicto.

E otro partido hunga diaHuebs anochi riba cancha di Aruba Jrs tabata di clase B masculino entre Mariniers y Don Bosco, loke a resulta un partido masha interesante. E quinteto di Savaneta Kanip a bai ariba tempran y ya den promer cinco minuit nan tabata tin ventaha di 8 pa 0. Tabata paree cu e muchanan di Don Bosco lo a sufrí nan promer derrota.

Pero e equipo di San Nicolas a reaccioná y dos minuit promer cu e promer mitad termina nan a logra empatá e score na 10 punto. Pero Mariniers a anota cuatro mas pa pone e score na final di e promer tempo 14-10 na nan favor.

Apesar di e desventaja di cuatro punto Don Bosco ta sigi hunga cu corahe y ta empatá e match ya den e ultimo minuitnan y luego cu dos punto mas ta bai ariba pa termina triunfador atrobe. E biaha aki cu un score hopi preta di 25 pa 23.

Mihor anotador di Mariniers tabata C. Schutte, kende for di e 23 puntonan di su equipo a procura pa nan menos cu pa 19. Den e promer tempo ora cu su equipo tabata tin 14 punto anota, 12 tabata na su nombre. Lastima cu e hungador aki n ota hanja mas cooperacion di su companjeronan.

Pa Don Bosco M. Jansen tabata e mihor anotador cu total di 11 punto. Esaki ta e segunda derrota pa Marinierscu tin awor dos di cada uno. Don Bosco ta continua invicto den cuatro salida. Unicamente un partido nan falta pa completa e promer rond, y esey lo ta contra di Aruba Jrs. "B". Esaki lo bira un encuentro masha interesante.

Posicion di e campeonato masculino "B"

Actualmente e seis equiponan di clase B masculino ta alinea den siguiente forma:

Club	WH	WG	WP
Don Bosco	4	4	0
Aruba Jrs.	3	2	1
Mariniers	4	2	2
RCA	3	1	2
Spes Patriae	3	1	2
Estrella	3	0	3

Pastora a elimina Eagle Boys den partido inaugural pa Copa Juliana (Di Nos Redactor Deportivo)

ORANJESTAD — Despues di un gracioso demostracion entre dos novena femenino forma door di bobencitas entre 10 y 14 anja cu a dura 2 1/2 inning, y cu Reina di Deporte Nilda I, acompaña door di e president di Aruba Softball Board Sr. Boy Simon, a lanza e promer strike, e numeroso publico por a goza di un bon wega entre e novenan masculino Pastora y Eagle Boys.

Ya den e promer inning ambos novena a anota. Pastora como equipo visitante a score dos carrera, mientras cu Eagle Boys a cruzar home 1 biaha.

Den e tercer inning Eagle Boys ta empatá e wega na 2 carrera.

Pero den e quinto Pastora ta anota su carrera di gana ya cu e score ta termina dos inning despues 3-2 na favor di Pastora.

Pitcher ganador a resulta Buchi Maduro, mientras cu William Andrews tabata e perdedor.

Asina Pastora a bira ganador A di e torneo pa Copa Juliana, cu diaMars awor lo continua den Wilhelmstadion.

Nos mester haci mencion especial di e numeroso publico cu a presencia e

Verf Van Vettewinkel

SHINOLAC PA MADERA. Cumpra na R. F. WOUT (San Nicolas) y H. S. CROES (Sta. Cruz)

KILL FLIES

A few short bursts of Pif Paf and flying insects drop down and out. A direct burst of Pif Paf kills crawling insects too. Fatal to insects yet harmless to human beings and warm blooded animals.

at the touch of a button!

Pif Paf

One tin is all you need for treating an average size room 100 times. Pif Paf is the modern way to fight the insect menace. Get Pif Paf NOW.

NO FUSS... NO MESS... JUST PRESS

MANSUR TRADING CO.

Tel: 1050-1051

Petrone & Croes

Dakota - Tel. 1712-1639

KOZLIN, PORTA, BENTANA

Slim Fat Away

If fat ruins your figure or makes you short of breath and endangers your health, you will find it easy to lose a half pound a day with the new Hollywood method called FORMODE. No drastic dieting or exercise. Absolutely safe. Ask your chemist for FORMODE and start slimming tomorrow.

HOROSCOOP

di awe

ARIESNAN
21 Maart — 20 April

Pa concentracion den bo debernan bo prestigio ta subi. Pone otronan na altura di bo idea.

TAURISNAN
21 April — 21 Mei

Lo bo ricibi noticia cu ta di importancia pa bo cartera y bo porvenir.

GEMINENAN
22 Mei — 21 Juni

Desarrollonan fortunoso por yuda bo logra provecho for contacto cu persona nan mas bieu cu bo.

CANCERNAN
22 Juni — 23 Juli

No larga bo sensibilidad domina bo manera di pensa y trata. Cuidao cu hende eigenwijs.

LEONAN
24 Juli — 23 Augustus

Un bon dia pa tur cos cu tin relacion cu expansion. No haci muchu gastu.

VIRGONAN
24 Augustus — 23 September

Otronan ta comprende cu bo quier yuda nan den nan dificultad. No danja bo anochi cu soquetada.

LIBRANAN
24 September — 23 October

Pacenshi ta parace un arma poderoso den asun- to di famia. No mete bo den nungun trobble.

SCORPIONAN
24 October — 22 November

Corda tuma mando den bo circulo. Bo actividadnan priva ta bon para. E vita kickmentu.

SAGITARIUSNAN
23 November — 21 December

Tin un bon chens pa desarrolla amistad cu relacionnan amical. Chensnan financier ta bon.

CAPRICORNUSNAN
22 December — 20 Januari

Sea calmo y principalmente bo mes no haci nada cu por trece kestion den cas.

ACUARIUSNAN
21 Januari — 19 Februari

Studia caminda y medionan pa mehora organizacion di bo asuntunan. No gasta di mas cu tin mester.

PESES
20 Februari — 20 Maart

Tuma parti na diversion y conserva amistadnan bieu. Trata pa bo no ta den kestion.